

آذربایجان ادبی- مدنی درنگ لرین اشتراکیلا

آذربایجانین موباریز شاعری مظفر درفشی نین ۸۰ ایل لیگی قئید ائدیله

تهراندا فعالیت گؤسترن آذربایجان ادبی- مدنی درنگ لری (صابر ادبی انجمنی، آذری مجله سی، آذربایجان ایشیق گنج لری، ساھر ادبی- مدنی درنه یی) طرفیندن دی آی نین ۲۸ ینده، تانیمیش آذربایجان شاعری مظفر درفشی نین ۶۰ ایل ادبی- اجتماعی فعالیتیندن تجلیل ائدیله. بؤیوک طنطنه ایله کنجیریلن بو مراسیمة بیر چوخ آذربایجان شاعر، یازیچی و ضیالیلاری لا برابر، آذربایجان دلینده پایلان مطبوعات ایشچیلری او جمله دن "آذری"، "دیلماج"، "وارلیق"، "خدا فرین" و "همشهری ترکی" ده اشتراک ائتمیشدیر. بوندان علاوه، بیر تعداد آذربایجان ادبی- اجتماعی شخصیت لر طرفیندن مراسیم اوچون پیاملار گؤندریلمیشدیر. مراسیمة آذربایجانین تانیمیش یازیچی و تدقیقاتچی سی رحیم رئیس نیانین پیامی و هابئله ایراندان کناردا یاشایان بیر تعداد استاد درفشی نین یاخین دوستلاری و شاعر اسماعیل جمیلی نین پیاملاری اوخوندو. "کانون نویسندگان ایران" عضولریندن و فارس یازیچیلریندن دکتر فریبرز رئیس دانا، علیرضا جباری، محمدعلی عموی، ابراهیم دارابی و شریف فراهانی مراسیمة اشتراک ائتمیشدیلر. مراسیمین مختلف حصه لرینده آذربایجان عاشیق و موغام خواننده لری نین چوخ گؤزل چیخیشلاری اولدو.

مراسیم دکتر بهزاد بهزادی نین دانیشقیلا باشلانندی و اوندان سونرا آذربایجان دلینده یازیب یارادان بیر تعداد شاعر، یازیچی و ضیالیلار چیخیش ائدیله. دکتر جواد هئیت، هاشم ترلان، مجید امین موید، حبیب فرشیا، حسن ایلدیریم، عزیز محسنی، سؤنمز، علیایی، احمد پوری، مرتضی مجدفر، شکوه آنا، شهرک، ائلدار موغانلی، رحیم کاویان، ائل اوغلو، گیتا درفشی، سنودا وطن سنور، سنل اوغلو، سولماز و کریم قربانزاده، استاد درفشی نین حیات و یارادیجیلیغیندن سؤز آچیب، شعرلر اوخودولار و خاطرلر سویله دیله. مراسیمة اوخونان استاد مظفر درفشی نین حیات سالنامه سینی آشاغیدا تقدیم ائدیله:

دیل آجان خاطرلر شاعری؛

استاد مظفر درفشی نین حیات سالنامه سی

مظفر درفشی نین کنجدیگی عؤمور یوللاری چوخ مشقتلی و عذابلی اولدور. آنجاق بو عذابلی ائیشلی- یوخوشلو حیات یوللارینا مظفر درفشی نین گؤزواپله دؤنوب باخاندان، اوندان شرف و افتخار ایزلرینین شاهدی اولوروق. بو شرف ایزلری له دیر کی شاعرین یارادیجیلیق آنلامینی و اونون کنجیرندیگی ۸۰ ایل لیک عؤمور یوللارینی منیمسه مک اولار. بو، تکجه مظفر درفشی یه یوخ، اونون ائله بو مجلسیمزده حاضر اولان بیر چوخ هم یاشیدلاری و هم فیکرلرینده مخصوصدور.

وطنین طالعی نی اؤز عؤمور- گونونده و دیل آجان سطرلرینده یاشایان آذربایجان خالقینی موباریز، شاعر اوغلو استاد مظفر درفشی نین کنجدیگی حیات یوللاری، گنج نسلیمیزه بیر اؤرنک کی می معنالانا بیلر. آتالار دئمی شکن: اوت کؤکو اوستونده بیترسه، بس اوندان بیز گنج و اورتا نسله، کنجیمیش میز تانیماق، ملی منلیگیمیزین سؤز عسگرلرینی منیمسه مک؛ اولارین اجتماعی ایده آللار اوغروندا کی تاریخی موباریزه سینی اؤرنمک، اؤنوموزده دوران وظیفه لریمیزدندیر. بو باخیملا، مظفر درفشی نین کنجدیگی حیات یولو ایله علاقه دار بیر نتیجه جهتی یادا سالماق ایسته بییم.

۱۳۰۵ (۱۹۲۶) نجی ایل باکی شهرینده آنادان اولوب، کؤرپه ایکن عائله سی ایله بیرلیکده وطنه دؤن مظفر درفشی، اون ایکی یاشینا دک عومرونون بیر قیسمینی رضاخان زیندانلاریندا کنجیرن موباریز و انقلابچی بیر آنانین تعلیم تربیه سی ایله بویا- باشا چاتیر.

۱۳۱۷نجي ايل مظفرين آتاسي، دونياسيني دگيشير و مظفرين كيچيک ياشيندان امک دونياسينا قاتيلماسينا سبب اولور. او عائيله نين بؤيوک اوشاغي اولدوغو اوچون آتاسي و باجي- قارداشلاري نين مسئوليتين داشيماق مجبوريتينده قالير.

۱۳۲۱نجي ايلدن آذربايجان ادبياتينا مارق گوسترن و فارس و آذربايجان ديلينده شعرلر يازان مظفر درفشي، ۱۳۲۵نجي ايله دک "فرياد"، "ينني شرق"، "آزاد ملت"، "وطن يولوندا" و "آذربايجان" قزئتلينده اثرلريني يايير. او، بير ايل عؤمور سورن آذربايجان ملي حکومت دؤرونده، "شاعرلر مجليسي" نين تاپشيريغي اساسيندا، بير چوخ متن لري آذربايجان ديلينه چنويرير و دؤرو مطبوعاتدا چاپ ائتديرير.

۱۳۲۳نجي ايل تبريز دانشسراسيندان ديپلم آلير و معلمليگه باشلاير. عيني حالدا شاهليق رژيمي عليهينه موباريزه ائدن سياسي بير تشکيلاتين فعال عضوي کيمي فعاليت گؤستيرير.

۱۳۲۴نجي ايل آذربايجاندا باشلانان ملي نهضتين فعال اشتراکچيسي اولور و آذربايجان دمکرات فرقه سي سیرالاريندا سيلاحلي بير فدائي کيمي دؤيوش آپارير. آذربايجان نهضتي نين غلبه سي اوغروندا چکديگي زحمتلره گؤره، ملي حکومت طرفيندن، مظفر درفشي ۲۱ آذر ميدالينا لاييق گؤرونور. هم ايله "تبريزيم" آدلانان شعر دفتر ي چاپ اولور.

۱۳۲۵نجي ايلين آذر آيينا قدهر مظفر درفشي تبريز دانشسراسي نين معاونليگي سمتينده ايشله يير. بو ايشي ايله برابر "شاعرلر مجليسي" آيدندان، آذربايجان شاعرلري "علي فطرت"، "ميرمهدي اعتماد"، "حسين صحاف"، "ميرمهدي چاوشي"، "بالاش آذراوغلو" و "يحيي شيدا" ايله برابر "آذربايجان" عنوانلي منظوم مکتوبو يازير. بير چوخ شعر و مقاله لري، تبريزده نشر اولونان قزئت و درگي لرده، خصوصيله "وطن يولوندا" و "آذربايجان" قزئت لرينده چاپ اولور.

۱۳۲۵نجي ايلين آذر آييندا، آذربايجان خالقي نين ملي آزادليق حرکاتي شاه فوشونو و آمريکا امپرياسي نين سياستي اساسيندا قانا چکيلير، مظفر درفشي ده حبسه آليير. او بير ايله ياخين شاه زيندانلاريندا محبوس اولور.

۱۳۲۶نجي ايل زينداندان آزاد اولوب، تهرانا کؤچگون دوشور. بو شهرده شاهليق عليهينه سياسي و اجتماعي فعاليتينه داوام ائدير، يئني دن تعقيه معروض قالير. تهراندا ائتديگي سياسي فعاليتين ثمر ي مظفر درفشي يه ايکي ايل اهواز شهرينه سورگون اولماغي ارمغان گتيرير.

۱۳۲۹نجي ايله دک خوزستاندا سورگون وضعيته ياشاير و اؤز موباريزه سینه گيزلي داوام ائتديرير. بو ايلين سونوندا پليس قوه لري مظفرين گيزلي سياسي فعاليتيندن باش چيخارير و اونو نوتماق قرارينا گلير. مظفر قاچقين دوشور، تهران و زنجان شهرلرينده "عباس سيراني" مستعار آدي لا گيزلي موباريزه يه داوام وئيرير.

۱۳۳۰نجي ايل بويونجا تهراندا نشر اولونان "بشريت"، "بشير آينده" و "آذربايجان" قزئت لرينده مختلف امضالارلا، او جمله دن "ميمدال"، "م. بشير" و "مظفر" امضالاري لا اؤز شعر و مقاله لريني يايير. هم ايلين شهر يور آيندان "اسارت زنجيرلريني قيران آذربايجانا عشق اولسون" شعاري لا نشره باشلايان "بشير آينده" عزتتي نين داخلي مديري تعيين اولور و يئنه ده هم ايلين آذر آييندان نشره باشلايان "آذربايجان" قزئت ي نين فعال امكداشي کيمي چيخيش ائدير. بو آذربايجان ديلينده نشر اولونان قزئت لرده مظفر درفشي ايله برابر تانينميش يازيچي و شاعرلر يميزدن گنجعلي صباحي، هاشم ترلان، حبيب ساهر، سهند، عليقلي کاتبي، سعيد منيري و علي ميثمي نينده اثرلري چاپ اولونوردو. الده اولان معلوماتا گؤره بو اوچ قزئت ي باش کاتبي "بهزاد بهزادي" جنابلاري اولموشدور.

۱۳۳۲نجي ايلين ۲۸ مرداد کودتاسيندان سونرا مظفر درفشي يئني دن توتولور و "عباس سيراني" مستعار آدي لا ايکي ايل "قصر قاچار" زيندانيندا قالير.

۱۳۳۴نجي ايله زينداندان آزاد اولور و ۱۳۳۸نجي ايله دک تهراندا تاكسي سورجوسو صفتينده ايشله يير. بو ايل عائيله قورور و سورجولوکله برابر تهران يونيورسيته سينين "فلسفه" رشته سينده تحصيل آلماغا باشلاير.

۱۲۴۲نجي ايل "فلسفه" ليسانسي آليز، تحصيلينه داوام ائدير و ۱۳۴۵نجي ايل تهران دانشگاهيندان "روانشناسي و علوم تربيتي" رشته سينده يوكسك ليسانس آماغا موفق اولور.

۱۳۴۵نجي ايلدن، مظفر درفشي "تربيت معلم" مركزي نين فلسفه و روانشناسي اوستادي كيمي ايشه باشلاير. بو ايش ۱۵ ايل داوام ائدير و نهايت ۱۳۶۰نجي ايل درفشي جنابلاري معلم ليكدن آزاد ائدليلر.

۱۳۵۰نجي ايلدن باشلاياراق، مظفر درفشي نين ادبي فعاليتي قاباريق شكلينده اؤزونو گؤسترير. او بو ايل لرده اؤز شاعر و يازيچي دوستلاري لا برابر ادبي محفل لر قورور و اثرلريني ياماغا چاليشير. مظفر درفشي نين بو دؤر ادبي- اجتماعي فعاليتي آذربايجان شاعر، يازيچي و مدني شخصيت لريندن اولان دكتور جاويد، بهزاد بهزادي، محمدعلي محزون، هاشم ترلان، سهند، احمد شايا(آلوق)، قافلاتي و تورك اوغلو ايله ياناشي گئدير.

۱۳۵۷نجي ايل ايران انقلابيندان سونرا، مظفر درفشي نين ادبي- مدني فعاليتينه مساعد زمين يارانير. او يورولمادان فعاليتينه داوام وئيرير، اثرلريني چاپ ائتديرير.

۱۳۵۸نجي ايل تهراندا ياشايان بير سيرا آذربايجان يازيچي و شاعرلرينين اشتراك يلا "انجمن آذربايجان" تشكيلاتيني يارادير و بو انجومنين اوچ آيلىق درگيسي نين باش كاتبي كيمي چاليشير. بو ايلده مظفر درفشي نين "تبريزيم" آدلي شعر كيتابي يئني دن نشره بوراخيلير.

۱۳۶۰نجي ايلدن ۱۳۶۶نجي ايله قدهر آجيلي شيرينلي انقلاب گونلرينين شاهدي اولان مظفر درفشي، هر بير امكاندان استفاده ائدهرك، اثرلريني ياماغا چاليشير. بو ايل لرده اونون بير سيرا اثرلري باكي شهرينده نشر اولونان قزئت و درگي لرده چاپ اولور. شعرلرينه تحليلى مقاله لر يازيلير.

۱۳۶۶نجي ايلده بير سيرا آذربايجان شاعر، يازيچي و اجتماعي- مدني شخصيت لر او جومله دن هاشم ترلان، حبيب فرشباغ، حسن ايلديريم، ميرزه شهرک، ائلدار موغانلي، احمد پوري و دكتور لطفلي جنابلارينين اشتراك يلا يارانان "حبيب ساهر" آدينا ادبي انجومنده بير آق ساققال كيمي فعال اشتراك ائدير.

۱۳۷۱نجي ايل مظفر درفشي نين ادبي و اجتماعي فعاليت لريندن تجليل ائتمك اوچون، دوستلاري و پرستشكارلاري طرفيندن تبريز شهرينده طنطنه لي بير مراسيم كنجيريلير.

۱۳۷۲نجي ايل، شاعر دوستلاري هاشم ترلان، رحيم كاويان، ميرزه شهرک، علي زيرک، مهندس حسيني و كريم قربانزاده جنابلارينين همكارليغي ايله "صابر ادبي انجومني" ني يارادير و او گوندن بو انجومنين صدي كيمي فعاليت گؤسترير. بو ايلدن بو گونه قدهر صابر ادبي انجومني طرفيندن ياييلان، انجومنين داخلي درگيسي نين يازيچي لار هياتي نين تركيبينده اوستاد مظفر درفشي ده اولوبدور.

۱۳۷۸نجي ايلده اوستاد مظفر درفشي نين "منظوم خاطره لر" آدلي كيتابي نشره بوراخيلير و اوخوجو رغبتيني قازانير.

۱۳۸۲نجي ايل اوستادين اوچونجو شعر كيتابي "تبريز من" آديندا، فارس ديلينده ياييلير.

۱۳۸۴نجي ايل اوستاد درفشي نين فارس ديلينده يئني بير كيتابي "هجران و وصال بر بام خيال" آديندا نشره بوراخيلير.

۱۳۸۵نجي ايل اوستاد درفشي، صابر ادبي انجومني نين عضوي محمد فاتح جنابلاري لا بيرليكه، بيرنجي نشري ۱۳۲۵نجي ايلده اولان و ۶۰ ايلدن بويانا مستقل نشر اوزو گورمه ين "آذربايجان" منظومه سيني يئني دن چاپ ائتديرير.

و بوگون ۱۳۸۵نجي گونش ايلي نين دي آي نين ۲۸سينده، بيز آذربايجان مدنيتي هوسكارلاري، ادبيات خادimler، شاعر و يازيچي لار، ادبي- اجتماعي شخصيت لر، خالقيميرين شرفلي اوغلو اوستاد مظفر درفشي نين ۶۰ ايل ادبي- اجتماعي فعاليتيندن تجليل ائتمك اوچون بير يئره توپلاشميشيق و بير سسله، بير آهنگله دئيريك:

اي مقدس مسكنيم ، اي شانلي آذربايجان!

بيز سئينله فخر قيلليق بئر اوزونده هر زامان.

قوي وار اولسون اي وطن، اصلان صفت اوغلانلارين!
اؤپسون آلتيندان آنا! اونلار سنين، سن اونلارين.

مراسيمين شكيل لري



سولماز – كريم (مراسيمين آپاريچي لاري)



دکتر بهزاد بهزادي



دکتر جواد هيئت



انلدار موغانلی



هاشم ترلان



عزیز محسنی



سؤنمز



مجيد امين مويد



احمد پوري



آقازاده علياي



حسن ايلديريم



شهرك



تامارا درفشى



رحيم كاويان



ايل اوغلو



شكوه انا



مظفردرفشي- عليايي- ابراهيم دارابي- بهزاد بهزادي- جواد هئييت



سنل اوغلو



گيتا درفشى



حبيب فرشيف



مرئضی مجدفر



سنودا وطن سنور



مظفر درفشني / ۱۳۰۵

